

Parlament communal Ilanz/Glion

Communicaziun allas medias

«Nus essan il center persistent e pulsont dalla Surselva», aschia senumna la visiun dalla vischnaunca Ilanz/Glion. Il parlament communal ha priu per enconuschientscha la basa normativa (visiun, missiun, valurs). Quella basa ei vegnida elavurada d'ina grupp da lavur cun representantas e representants dalla populaziun sco era da tut ils secturs impurtants (economia, turissem, sanadad, formaziun, e.a.v.). Martin Bühler, cusseglier guvernativ e cau dil departament da finanzas e vischnauncas dil cantun Grischun, ha referiu davart l'impurtonza d'ina basa normativa resp. dalla concepziun d'ina strategia.

Ils 19 da fevrer 2025 ha il parlament communal Ilanz/Glion a caschun da sia emprema sesida digl onn decidu sin proposta dil biro parlamentar ina revisiun parziala dalla lescha davart l'indemnisaziun d'autoritads e da cumissiuns dalla vischnaunca Ilanz/Glion. Quella preveseva entochen uss ina clausla d'index per tut las indemnisaziuns. Las indemnisaziun duevan tenor quella vegnir adattadas (en cass d'ina midada digl index per silmeins 5 puncts) tenor igl index nazional dils prezis da consum (UFIML/BIGA). Cun la revisiun parziala decidida vegn desistiu da quella clausla d'index.

Plinavon ei igl uorden da gestiun dil parlament communal vegnius adattaus cun ina revisiun parziala. Da niev vegnan ils nums dallas personas che voteschan mess a protocol ensemen cun lur decisiun (protocol da votaziun) tier mintga votaziun. Il protocol da decisiun existent vegn publicaus suenter l'approbaziun cun il protocol da votaziun sin la pagina d'internet dalla vischnaunca. Aschia vegn la trasparenza enviers la populaziun augmentada. Igl avegnir vegnan las vuschs da mintga commembra dil parlament resp. da mintga commember dil parlament ad esser veseivlas el protocol da votaziun.

La menadra dil Museum Regiunal Surselva, Dr. Ursina Jecklin Candrian, ha presentau la nova exposiziun permanenta ch'ei previda. En quei connex sa vegnir constatau ch'il punct central dalla strategia dil museum per ils proxims onns seigi l'installaziun nova dalla Casa Carniec cun in'exposiziun repassada cumpleinamein sco era – complementarmein – cun localitads concepidas da niev per in'utilisaziun multifunziunala dalla casa. Il parlament communal vegn a decider a caschun d'ina proxima sesida davart in credit ell'altezia da frs. 200'000.00. La nova exposiziun ei persistente e duei survir allas visitadaras ed als visitaders dil museum per ils proxims 20 onns.

L'incumbensa Candinas pertuccont realisaziun da redunonzas communalas d'orientaziun ei vegnida refusada dil parlament.

La proxima sesida dil parlament ha liug mesjamna, ils 16 d'avrel 2025 allas 19.00 a Glion.

Informaziuns davart la basa normativa:

La basa normativa fuorma il fundament per nies agir communabel ed il svilup da nossa vischnaunca. La visiun, missiun e las valurs defineschan directivas ligiontas e creeschan ina capientscha comunabla per nies maletg dil futur e la via, co nus contonschin quel. Quei possibilitescha in svilup consistent, dat in punct d'orientaziun allas autoritads, all'administraziun ed alla populaziun e rinforzescha noss'identitad per in svilup dalla vischnaunca cun claras finamiras.

Ilanz/Glion, ils 20 da fevrer 2025

Parlament communal Ilanz/Glion

Gemeindeparlament Ilanz/Glion

Medienmitteilung

«Wir sind das nachhaltige und pulsierende Zentrum der Surselva», so lautet die Vision der Gemeinde Ilanz/Glion. Das Gemeindeparlament hat die normative Basis (Vision, Mission, Werte) zur Kenntnis genommen. Diese Basis wurde durch eine breit abgestützte Arbeitsgruppe mit Vertreterinnen und Vertretern aus der Bevölkerung sowie allen weiteren Sektoren (Wirtschaft, Tourismus, Gesundheitswesen, Bildung, usw.) erarbeitet. Martin Bühler, Regierungsrat und Vorsteher des Departements für Finanzen und Gemeinden des Kantons Graubünden, hat über die Bedeutung einer normativen Basis bzw. strategischen Ausrichtung referiert.

Am 19. Februar 2025 hat das Gemeindeparlament Ilanz/Glion anlässlich seiner ersten Sitzung im neuen Jahr auf Antrag des Parlamentsbüros eine Teilrevision des Gesetzes über die Entschädigung von Behörden und Kommissionen der Gemeinde Ilanz/Glion beschlossen. Dieses sah bisher eine Indexklausel für sämtliche Entschädigungen vor. Die Entschädigungen sollten demnach nach dem Landesindex der Konsumentenpreise (BIGA) angepasst werden (bei einer Veränderung des Indexes um mindestens 5 Punkte). Mit der beschlossenen Teilrevision wird von dieser Indexklausel abgesehen.

Zudem wurde die Geschäftsordnung des Gemeindeparlaments mit einer Teilrevision angepasst. Neu werden die Namen der Stimmenden zusammen mit ihrer Stimmabgabe bei jeder Abstimmung zu Protokoll genommen (Abstimmungsprotokoll). Das bisherige Beschlussprotokoll wird nach der Genehmigung mit dem Abstimmungsprotokoll auf der Internetseite der Gemeinde veröffentlicht. Hierdurch wird die Transparenz gegenüber der Bevölkerung gesteigert, da künftig das Abstimmungsverhalten jeder einzelnen Parlamentarierin bzw. jedes einzelnen Parlamentariers ersichtlich wird.

Die Leiterin des Regionalmuseums Surselva, Dr. Ursina Jecklin Candrian, hat die geplante neue Dauerausstellung vorgestellt. Dabei kann festgehalten werden, dass der Kern der Museumsstrategie für die nächsten Jahre die Neueinrichtung der Casa Carniec mit einer vollständig überarbeiteten Dauerausstellung sowie – ergänzend – mit neu konzipierten Räumen für eine multifunktionale Nutzung des Hauses ist. Das Gemeindeparlament wird anlässlich einer nächsten Sitzung über einen Kredit von CHF 200'000.00 befinden. Die neue Ausstellung zeugt von Nachhaltigkeit und soll für die nächsten 20 Jahre bestehen.

Der Auftrag Candinas betreffend Durchführung von Informationsgemeindeversammlungen wurde vom Parlament abgeschrieben.

Die nächste Parlamentssitzung findet am Mittwoch, 16. April 2025, um 19.00 Uhr in Ilanz statt.

Informationen zur normativen Basis:

Die normative Basis bildet das Fundament für das gemeinsame Handeln und die Entwicklung unserer Gemeinde. Vision, Mission und Werte definieren verbindliche Leitplanken und schaffen ein gemeinsames Verständnis für unser Zukunftsbild und den Weg, wie wir dieses erreichen. Dies ermöglicht eine konsistente Entwicklung, gibt Orientierung für Behörden, Verwaltung und Bevölkerung und stärkt unsere Identität für eine zielgerichtete Gemeindeentwicklung.

Ilanz/Glion, den 20. Februar 2025

Gemeindeparlament Ilanz/Glion